

Uunga siunnersuut: Ilulissat kangerluata UNESCO-miittortaata angissusaata pitsaaqutai ajoqutaalu pillugit Naalakkersuisut UKA2022-mut saqqummiussassamik nassuiaasioqqullugit peqquneqarnissaanut Inatsisartut aalajangiiffigisassaattut siunnersuut.

Inatsisartunut ilaasortaq Aqqalu C. Jerimiassen, Atassut

pillugu

Eqqissisimatitsinermut Avatangiisinullu Ataatsimiititaliap

Siunnersuutip aappassanneerpeqarneranut

ISUMALIUTISSIISSUTAA

Ataatsimiititaliaq suliaqarnermi makkuninnga inuttaqarpoq:

Inatsisartunut ilaasortaq Mala Høy Kùko, Siumut, siulittaasup tullia

Inatsisartunut ilaasortaq Charlotte Pike, Inuit Ataqtigiit

Inatsisartunut ilaasortaq Emanuel Nuko, Naleraq

Inatsisartunut ilaasortaq Lars Poulsen, Siumut

Inatsisartunut ilaasortaq Mikivsuk Thomassen, Inuit Ataqtigiit

UKA2021-imi ulloq 10. november siullermeerinninnerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Ilulissani UNESCO-qarfiup maanna annertussusaata pitsaaqutai ajoqutaalu pillugit nalunaarusiortoqarnissaanik qulakkeerinninnissaq siunnersuummi siunertarineqarpoq. Ilulissani UNESCO-qarfimmik annikillisaasinnaanermik periarfissiisoqarsinnaanissaanut aalajangiinissamat tunngavissiiinissaq siunnersuuteqartup kisaatigaa. Illoqarfimmi inuussutissarsiutit sumiiffimmilu ineriartornerup ingerlaannarnissaa qulakkeerniarlugu matumani siunertarineqarpoq.

2. Inatsisartuni siunnersuutip siullermeerneqarnera

Inatsisartuni ilaasortat siunnersuutip siullermeerneqarnerani pissutsit assigiinngitsut oqaluuserivaat. Oqaluuserinninnermi tunngavigineqarpoq pinngortitamik avatangiisinillu illersuinerup inuussutissarsiutit sumiiffinni innutaasut ineriartortuarnissaanut. Kalaallit Nunaanni UNESCO-qarfiit allat oqaluuserineqarput soorlu aamma innuttaasut allat peqataatinneqarnerat aamma oqaluuserineqartoq.

2.1. Naalackersuisunit allannguutissatut siunnersuut

Siunnersuutip siullermeerneqarnerani Naalackersuisut allannguutissatut siunnersuummik matuminnga saqqummiussipput:

”Ilulissat Kangianni UNESCO-qarfimmi iluaqutissat annertusitinniarlugit aamma ajoqutissat annikillisinniarlugit periarfissat pillugit nassuiaammik, 2023-mi Upernaakkut Ataatsimiinnermi saqqummiunneqartussamik Naalackersuisut suliaqarnissamut peqquneqarnissaat pillugu Inatsisartut aalajangiiffigisassaattut siunnersuut.”

3. Siunnersuummik ataatsimiititaliap suliarinninnera

Siunnersuutip matuma Ilulissat kangerluata UNESCO-miittortaata angissusaata pitsaaqutai ajoqutaalu pillugit nassuiaasioqqusineramik sammisaqarfiusoq ataatsimiititaliap aallaqqaasiullugu erseqqissaatigissavaa. UNESCO-qarfimmik annikillisaanissamut annertusaanissamulluunniit aalajangiinissamut tunngaviusussamik taamaalilluni siunnersuut siunertaqarpoq. Taamatuttaaq nalunaarut Ilulissanut kisiat sammiveqarpoq UNESCO-qarfinnut marlunnut Kujataa Kalaallit Nunaata kujataanniittumut aamma Aasivissuit-Nipisat Kalaallit Nunaata kitaaniittumut sammitinneqarnani.

Kalaallit Nunaanni UNESCO-qarfinnut tamanut pitsaaqutaasa pitsanngorsarneqarnissai ajoqutaasalu millisarneqarnissai atuuttariaqartoq ataatsimiititaliaq tunngaviusumik isumaqarpoq. Taamaattorli pitsaaqutinik ajoqutinillu naammaginatunik oqimaaqatigiissaarineramik qulakkeerinninneq naalackersuinikkut tulleriiarinerimi pisariaqarsinnaasartoq ataatsimiititaliap paasivaa. Ilulissani UNESCO-qarfiup annikillisarneqarsinnaanera annertusarneqarsinnaanerataluunniit aningaasaqarnikkut kingunerisassanik nalunaarusiami ilanngussisoqarnissaa taamaalilluni naleqquttuusaaq.

Ilulissani eqqaanilu sanaartornermut nunaminertanillu sanaartorfiusussanik tunioraanermut pingaarnerusutut UNESCO-qarfik maanna sunniuteqartoq ataatsimiititaliaq paasinnippoq. Ilulissani UNESCO-qarfimmut sulianut tunngatillugu nalunaarusiaq manna iluaqutaassaaq.

Siunnersuut Inatsisartunit akuerineqassagaluarpas siunnersuutigineqartumi matumani kommuninik attuumassuteqartunik oqaleqartarnissap qulakkeerneqarnissaa ataatsimiititaliamit Naalackersuisunut kaammattuutigissavaa.

Ukioq 2000-imi Namminersornerullutik Oqartussanit Ilulissat Kangiata nunarsuarmi kingornussaqarfinnut ilanngunneqarnissaanik suliaq aallartisarneqarmat ataatsimiititaliap naggasiullugu eqqaasitsissutigissavaa. Naalagaaffiit Peqatigiinnut qinnuteqaat Peqqinnissamut Avatangiisinullu taamani Naalackersuisumit Ilulissallu Borgmesterianit tapersorneqarpoq. UNESCO-qarfiup annertussusaanut pitsaaqutit ajoqutaasullu pillugit suliamik ingerlatsinerimi

taamani qinnuteqaataasooq "Nomination of the Ilulissat Icefjord for inclusion in the World Heritage List"-imik qulequtaqartoq eqqarsaatersuuteqarnermi ilanngunneqassasooq ataatsimiititaliap kaammattuutigissavaa.

3.1. Naalakkersuisunit allannguutissatut siunnersuut

Ilulissat Kangiani UNESCO-qarfik pillugu suliaqarnermut atatillugu nalunaarsuinerinnaangitsumik kisiannili pitsaaqutinik allisaanissaq ajoqutaasunillu millisaanissaq Naalakkersuisut allannguutissatut siunnersuutaanni pingaartinneqarpoq.

Nalunaarusiornissamat piffissamik atuiffissap ukiup affaanik sivitsorneqarnissaa Naalakkersuisut kissaatigaat. Naalakkersuisut amerlanerusunik aningaasaliisoqarnissaa kissaatiginngikkaat ataatsimiititaliap maluginiarppaa, taamaattumik Siunnersuuteqartup siunnersuutip aningaasaqarnikkut kingunerisassaanut nalunaarutigisai ingerlaannassasut atuutiinnassasut.

Nalunaarusiamik suliaqarnerup piffissamik atuiffiusussamat Naalakkersuisut allannguutissatut siunnersuutaanni piviusumik sivitsuisoqannginnera ataatsimiititaliamit maluginiarneqarpoq. Tamanna pissuteqarpoq siunnersuutip aappassaaneerineqarnera Upernaakkut katersuunnermut 2022-imut inissinneqarmat Ukiakkut katersuunnermut 2021-imut siullermeerinniffiusumut inissinnagu. Allannguutissatulli siunnersuutaasup suliarinniffissamik atuiffiusussaagaluartoq annaaneqartoq siunnersuummik kinguartitsinikkut aaqqinneqarpoq.

Suliap naammassineqarnissaanut piffissaliunneqartup nutaamik sivitsorneqarnissaanik qanoq pisariaqartitsisoqartiginersoq Naalakkersuisut isumaliutigisariaqaraat siunnersuummik aappassaaneerinninnermi ataatsimiititaliap siunnersuutigissavaa. Inatsisartuni tamakkiisumik isumaqatigiittoqarnera tunngavigalugu siunnersuummi matumani suliarineqartussat pillugit Naalakkersuisut aallartisalereersimasut ataatsimiititaliap naatsorsuutigaa.

4. Siunnersuutip aningaasatigut allaffissornikkullu kingunerisassai


Inatsisartut Suleriaasianni § 33 imm. 1-imi allassimavoq siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuutip tunngavilersuutaani allaaserineqassasut.

Tamatumunnga atatillugu siunnersuutip piviusunngortinneqarnissaanut nalunaarusiap AC-mik ukiup ataatsimik sulisoqarnissaq 500.000 kr-nik aningaasatigut kinguneqassasooq ataatsimiititaliap maluginiarppaa.

5. Ataatsimiititaliap inassuteqaataa

Ataatsimiititaliap isumaqatigiittup Naalakkersuisut allannguutissatut siunnersuutaa akuerineqassasoq inassutigaa.

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.



Mala Høy Kukò
Siulittaasup tullia



Mikivsuk Thomassen



Emanuel Nuko



Charlotte Pike



Lars Poulsen